

**ПРОБАЦИЯ ХИЗМАТИ ФАОЛИЯТИНИ УМУМИЙ ТАВСИФИ**

<https://doi.org/10.5281/zenodo.11052505>

**Бабамурадов Дилшод Абдурашидович**

*Сирдарё вилоят прокуратураси бўлим бошлиғи адлия маслаҳатчиси, Гулистон шаҳар, Ўзбекистон*

**Аннотация:** *Мазкур мақолада муаллиф томонидан Ўзбекистонда жиноятчиларни қайта ижтимоийлашувини ва ахлоқан тузалишини амалга оширишда сўнги пайтларда муҳим иштирокчилардан бирига айланиб бораётган пробация институти илмий ва амалий жиҳатдан кўриб чиқилган. Хусусан, мазкур институтнинг тарихий келиб чиқиши, тавсифи, тушунчаси ўрганиб чиқилган. Мақолада ушбу институт ҳозирги кунда ўзининг ижобий ҳиҳатларини кўрсата бошлагани, тегишли шахслар категориялари пост пенитенциар ижтимоийлашуви ва уларни назорат қилиш функциясини муносиб равишда уддалай олаётганлиги қайд этилиб, айти дамба қонунчиликдаги айрим жиддий бўшлиқлар ва камчиликлар, амалиётда пробация ходимлари иши самарасига салбий таъсир ўтказилишига сабаб бўлаётгани кўрсатиб ўтилган.*

*Мақолада муаллиф томонидан пробация хизмати нуфузи, ҳуқуқий мақоми ошириш ва фаолиятини янада тартибга солиш бўйича илмий ва амалий таклиф, тавсиялар берилган.*

**Калит сўзлар:** *пробация, жиноят, жазо, муқобил жазо, ҳуқуқбузарликлар профилактикаси, ижтимоий мослашув*

**ОБЩАЯ ХАРАКТЕРИСТИКА ДЕЯТЕЛЬНОСТИ СЛУЖБЫ ПРОБАЦИИ**

**Аннотация:** *В данной статье автором с научных и практических позиций рассмотрен институт probation, который в последнее время стал одним из важнейших участников процесса ресоциализации и исправления преступников в Узбекистане. В частности, подробно изучены историческое происхождение, характеристика, понятие данного института. В статье отмечается, что данный институт уже начал показывать свои позитивные стороны, выполняя функции постпенитенциарной социализации осужденных и контроля за соответствующими категориями лиц, одновременно указывается тот факт, что некоторые серьезные пробелы и недостатки в законодательстве на практике оказывают негативное влияние на эффективность работы сотрудников службы probation.*

*В статье автором представлены научно-практические предложения и рекомендации по повышению авторитета и правового статуса службы пробации, дальнейшему регулированию их деятельности.*

**Ключевые слова:** *пробация, преступление, наказание, альтернативное наказание, профилактика преступности, социальная адаптация.*

## GENERAL CHARACTERISTICS OF THE ACTIVITIES OF THE PROBATION SERVICE

**Annotation:** *In this article, the author considers the institution of probation from scientific and practical positions, which has recently become one of the most important participants in the process of resocialization and correction of criminals in Uzbekistan. In particular, the historical origin, characteristics, concept of this institution. The article notes that this institution has already begun to show its positive aspects, performing the functions of post-penitentiary socialization of convicts and control over the relevant categories of persons, at the same time it is indicated that some serious gaps and shortcomings in the legislation in practice have a negative impact on the effectiveness of the work of probation officers .*

*In the article, the author presents scientific and practical proposals and recommendations for increasing the authority and legal status of the probation service, further regulating their activities.*

**Key words:** *probation, crime, punishment, alternative punishment, crime prevention, social adaptation.*

Мамлакатимизда демократик қадриятлар, инсон ҳуқуқлари ва эркинликлари ҳамда қонуний манфаатларини ҳимоя қилишда ичуми ишлар органлари ҳар доим ва ҳар замонда муҳим бўлган. Шу билан бирга, одил судлов мақсадларини рўйбага чиқаришда, жиноий қилмиш содир этган шахсларнинг қайта ижтимоийдашуви ва тузалиши, ҳуқуқий онги ва ҳуқуқий маданиятини ошириш учун шароит яратишда, постпенитенциар мослашув жараёнида қонун талаби ва инсонийлик манфаатлари мувозанатини таъминлашга кўмаклашишда ҳамда бунда фуқаролар иштирокини амалга оширишнинг таъсирчан ва амалий механизми сифатида ИИБ пробация хизмати аҳамияти бугунги кунга келиб ғоятда ортиб бормоқда.

Пробация хизмати ходимларининг айрим тоифадаги фуқаролар устидан назоратни ўрнатишдаги вазифалари жамиятнинг давлат билан ўзаро самарали алоқасини таъминлашнинг муҳим воситаларидан бири бўлиб ҳисобланади. Жамоатчиликнинг постпенитенциар мослашув ишларида фаол иштироки пробация фаолияти очиқ-ошкоралигини кенгайтиради, фуқароларнинг ИИЧ органига ишончини мустаҳкамлайди.

Шу муносабат билан, ҳозирги кунда Ўзбекистон Республикаси ИИВ Пробация хизмати ҳуқуқий асослари ва фаолиятининг айрим жиҳатларини ўрганиш бўйича таҳлилий тадқиқот ишларини амалга ошириш фоят долзарб ҳисобланади.

Пробация узоқ тарихга эга бўлиб<sup>6</sup>, ушбу сўз латинча «probatio» – синов сўзидан олинган бўлиб, халқаро амалиётда озодликдан маҳрум этиш билан боғлиқ бўлмаган жазоларнинг ижро этилишини таъминлаш ва назоратини олиб бориш маъносини англатади. Бугунги кунда “пробация” атамаси жуда кўплат ҳолатларда кенг қўлланиб келинмоқда: 1) жиноий жазоларни ижро этиш тизимини тадқиқот қилишга оид ишларда<sup>7</sup>; 2) халқаро ҳуқуқий ҳужжатларда, жумладан, БМТ Бош Ассамблеяси томонидан тасдиқланган Маҳкумлар билан муомала қилишнинг минимал стандарт қоидалари (1955 йил)<sup>8</sup>, Европа пенитенциар қоидалари (1987)<sup>9</sup> ва бошқалар.

Жумладан, дунёнинг ривожланган Америка Қўшма Штатларида жазолар тизимининг асосий элементлари ўлим жазоси, озодликдан маҳрум қилиш, пробация ва жарима<sup>10</sup>ларни қўлланиши ҳамда Англия ва Франция давлатларида ушбу пробация соҳаси кўп йиллар давомида фаолият юриши аммо кейинчалик континентал ҳуқуқий тизим мамлакатлари Мустақил Давлатлар Ҳамдўстлиги давлатларида ҳам озодликдан маҳрум қилиш билан боғлиқ бўлмаган жазоларга ҳукм қилинган шахслар устидан назорат функциялари амалга ошириш пробация фаолияти томонидан амалга оширилиши ҳар томонлама ўзини ижобий томондан кўрсатган.

Масалан, АҚШда Пробация хизмати 1878 йилда ташкил этилиб, Федерал пробация қонунчилигини қабул қилинишга уринишлар 1908 йилдан бери амалга оширилган, аммо тегишли қонун фақат 1925 йилда қабул қилинган. Англияда эса пробация институти 1887 йилда "Биринчи маҳкумни суд жараёни тўғрисида" ги қонуннинг қабул қилиниши муносабати билан пайдо бўлган<sup>11</sup>.

Англияда бўлгани каби, бугунги кунда пробация хизмати АҚШ, Дания, Швеция, Финландия ва бошқа бир қатор ривожланган давлатларнинг жиноят-ижроия қонунчилигига кириб келган ҳамда ушбу хизмат фаолияти турли давлатларда турлича йўлга қўйилган бўлса-да, жиноят содир этган шахсларни ахлоқан тузатиш, уларни жамиятдан ажратмаган ҳолда жамоатчилик билан узвий ҳамкорликда қайта тарбиялаш борасида кўплат ривожланган мамлакатларда шундай хизмат фаолият юритади.

<sup>6</sup> The Philosophy and History of Prisons. Philosophers of Punishment and Penology. // 29043\_CH01\_1\_21.qxd 9/28/05 8:51 AM Page 6.

<sup>7</sup> Samuel H. Pillsbury. Understanding Penal Reform: The Dynamic of Change. Journal of Criminal Law and Criminology. Volume 80 Issue 3 Fall Article 3 - P.729; Шамансуров А.А. Теоретические и прикладные проблемы модернизации пенитенциарной системы. – Ташкент: Fan va texnologiya, 2015. – 216 с.; Борзенко Ю.А. Пенитенциарное правосознание в российском обществе: современное состояние и проблемы развития. Дисс... канд. юрид. наук. – Владимир, 2008. – 176 с.; Оганесян С.М. Пенитенциарная система государства: Историко-теоретический и правовой анализ. Дис. ... докт. юрид. наук. – СПб., 2005. – 315 с.

<sup>8</sup> Маҳкумлар ҳуқуқлари: халқаро ва миллий стандартлар. / Ф.Бақаева ва бошқ. – Тошкент: Тафаккур, 2011. – Б. 98.

<sup>9</sup> Европейские пенитенциарные правила Комитета министров ООН. – М., 2016. – 136 с.

<sup>10</sup> А.Х.Саидов "Жаҳон мамлакатларининг ҳуқуқий тизимлари" қомусий лугат. Тошкент-2006. №96-2006. Б-39.

<sup>11</sup> <http://mosmediator.narod.ru/index/0-2217> Ушбу веб-сайтта В.Б.Малинин, ЛБ Смирнов, "Жиноят-ижроия ҳуқуқи: юридик мактаблар ва факултетлар учун дарслик" "Москва университети хабарчиси", 2003 й

Кўришимиз мумкинки ривожланган давлатлар амалиётидан ҳамда бир қатор давлатларда ўтказилган тадқиқотлар ва ўрганишлар асосида жиноий жазо чоралари сифатида инсонга қўлланиладиган озодликдан маҳрум этиш билан боғлиқ бўлмаган жазолар ижро этилиши такомиллашишига олиб келди.

Шунингдек, қуйидаги давлатларда озодликдан маҳрум қилиш билан боғлиқ бўлмаган жазоларга ҳукм қилинган шахслар устидан назорат функциялари пробацция фаолияти томонидан амалга оширилиши Молдова Республикасида 2008 йилдан, Украинада 2015 йилда ҳамда Арманистон, Қозоғистон Республикаларида 2016 йил бошида шунингдек, Қирғизистон Республикасида 2017 йилдан жорий этилган ҳамда пробацция хизматининг фаолияти ҳуқуқий таъминланган<sup>12</sup>.

Ушбу давлатларда озодликдан маҳрум қилиш билан боғлиқ бўлмаган жазоларни ижро этишдаги амалий тажрибаси ва олимларнинг фикрларини инobatга олиб, жиноят ижроя қонунчилиқ фаолиятини ҳуқуқий такомиллашганлигини инobatга олиб, Ўзбекистоннинг амалдаги қонунчилиқ амалётида озодликдан маҳрум қилиш билан боғлиқ бўлмаган жазоларнинг ижро этилишини назорат қилувчи Ўзбекистон Республикаси Ички ишлар вазирлиги Ҳуқуқбузарликлар профилактикаси бош бошқармасининг озодликдан маҳрум қилиш билан боғлиқ бўлмаган жазоларни ижро этилишини назорат қилиш бошқармаси ва унинг ҳудудий бўлинмалари негизида суд ҳукми ёки ажрими билан озодликдан маҳрум қилиш билан боғлиқ бўлмаган жазоларга ҳукм қилинган шахсларни жазоларини ижро этилишини таъминлайдиган бошқарма Ўзбекистон Республикаси Президентининг 2018 йил 7 ноябрдаги *"Жиноят қонунчилигини тубдан такомиллаштириш чора-тадбирлари тўғрисида"*ги ПҚ-4006-сонли Қарори билан 2019 йил 1 январдан жорий қилинган<sup>13</sup>.

Ўзбекистон Президенти Шавкат Мирзиёев 2020 йил 24 октябрь кундаги "25 октябрь— Ўзбекистон Республикаси Ички ишлар органлари ходимлари кун" муносабати билан йўллаган табрикларида: *"Билиб-билмасдан жиноят йўлига кириб қолган ва жазони ўтаётган фуқароларнинг ижтимоий мослашувини, соғлом ҳаётга қайтишини таъминлашда ҳам ички ишлар органларининг ўрни ва роли ортиб бормоқда. Бу йўналишда илгариги жазони ижро этиш инспекцияси ўрнига пробацция хизматини ташкил этдик. Ушбу хизмат маҳкумларни зарур касб-ҳунарларга ўқитиш ва тайёрлаш, ишга жойлаштириш, уларни хусусий тадбиркорликка жалб этиш, энг асосийси, иш берувчилар томонидан уларнинг ҳуқуқ ва манфаатлари таъминланишида яқиндан ёрдам кўрсатмоқда"*<sup>14</sup> деб такидлаган эди.

Ушбу хизматни изчиллик билан ривожлантириш мақсадида, 2021 йил 3 февраль кундаги ПФ-6155-сон Фармони билан тасдиқланган "2017 — 2021 йилларда

---

<sup>12</sup> Ил.Дар.Дисс. ЮФН Исергеева Алиса Курманаевна "Жиноят жараёнида мувофиқат институти: муаммолар тренсиялар ва ривожланиш истиқболлари" Сан-Пет.г Ун. Рос.Ф ички ишлар вазирлиги 12.00.09

<sup>13</sup> Электрон манба. Кириш йўли: <https://www.Lex.uz>

<sup>14</sup> <https://president.uz/uz/lists/view/3913>

Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Ёшларни қўллаб-қувватлаш ва аҳоли саломатлигини мустаҳкамлаш йили”да амалга оширишга оид Давлат дастури”нинг 30-бандида халқаро стандартлар ва инсонпарварлик тамойилини кенг жорий этган ҳолда жазони ижро этиш ва пробация хизматини янада такомиллаштириш бўйича қатор вазифалар белгиланган. Жумладан:

– пробация хизмати марказий ва ҳудудий маҳкамалари мақомини ошириш, ушбу хизматнинг кадрлар салоҳияти ва моддий-техника базасини мустаҳкамлаш;

– пробация назоратидаги шахсларнинг хулқ-атворини назорат қилиш, уларни ижтимоий мослаштириш ва янги жинойт содир этишининг олдини олиш механизмларини такомиллаштириш;

– пробация назоратидаги шахсларнинг хатти-ҳаракатларини, уларга электрон браслет воситасини таққан ҳолда, реал вақт режимида электрон кузатиш ва мониторинг қилиш тартибини жорий қилиш;

– “пробация фаолияти” таълим йўналиши ва мутахассислиги бўйича кадрлар тайёрлашни йўлга қўйиш;

– ҳокимликлар ҳузуридаги озодликдан маҳрум этиш жойларидан озод қилинган шахсларни реабилитация қилиш ва ижтимоий мослаштириш марказлари фаолиятини такомиллаштириш вазифалари белгиланган.

Шу билан бирга, Ўзбекистон Республикасининг амалдаги жинойт-ижроия қонун ҳужжатларида «пробация», «пробация назорати», «пробация хизмати» атамалари ҳанузгача қўлланилмаган. Республикамизда жинойт-ижроия қонунчилигининг ривожланиш босқичларида ушбу тушунчаларга муқобил атамалардан фойдаланиб келинган: меҳнат-ахлоқ тузатиш ишлари, жинойт жазоларни ижро этиш тизими, жазони ижро этиш инспекцияси, озодликдан маҳрум қилиш билан боғлиқ жазоларни ижро этувчи органлар тизими ва ҳ.к.

Олимлар томонидан мазкур тизимга оид турли фикрлар билдирилган. Жумладан, озодликдан маҳрум қилиш билан боғлиқ бўлмаган ёки қамоқдан озод қилинган жазоларга маҳкум этилганлар билан ишлаш фаолиятини (хизматларни) институционализация қилиш учун қўлланилади деган тариф берилган.

Пробация маҳкумнинг хулқ-атворида шундай таъсир қилишди, у ўз жавобгарлигини англасин ва онгли равишда тузатиш йўлини тутсин<sup>15</sup>, деган фикрлар ҳам мавжуд. Айрим олимлар томонидан пробация хизмати деганда, шартли судланганлик шакли тушунилиб, бунда маҳкум озодликдан маҳрум қилинмасдан махсус органлар назорати остида бўлади, синов муддати ва унга қўйиладиган талаблар суд ҳукми билан белгиланади<sup>16</sup> деб кўрсатишади.

<sup>15</sup> Жаронкина Ирина — национальный эксперт Проекта ЕС «Поддержка реформ в сфере юстиции на Украине», г. Киев

<sup>16</sup> А.К.Исергепова ФГ казенное образовательное учреждение высшего образования «Санкт-Петербургский университет Министерства внутренних дел

Пробация бу ижтимоий ва ҳуқуқий назоратнинг бир шакли<sup>17</sup> эканлиги ҳақида ҳам фикрлар кўрсатиб ўтилган, шу билан бирга яна бир тарифда пробация – бу белгиланган жазони шартли равишда адо этмасдан маҳкумни муайян муддатга махсус мансабдор шахснинг (агент, ёрдамчи, пробация бўйича вакил) индивидуал назорати остида жойлаштиришдан иборат<sup>18</sup> деб айтилади.

Шунингдек, Қозоғистон Республикасининг Пробация тўғрисидаги қонунни бўйича Пробация - бу тоифалари аниқланган шахсларнинг хатти-ҳаракатларини тўғрилашга қаратилган, янги жиноий ҳуқуқбузарликлар содир этилишининг олдини олиш учун индивидуал равишда белгиланган назорат ва ижтимоий-ҳуқуқий характердаги тадбирлар тизимидир<sup>19</sup>.

Аксарият олимлар томонидан пробация «ҳуқуқни муҳофаза қилувчи органлар тизими» ёки «суд тизими» тушунчасига сингдириб юборилади ва алоҳида эътироф этилмайди. Бизнингча, бундай ёндашув ҳам тўғри эмас. Аслида, *пробация хизмати жамиятда қонунийликни мустаҳкамлаш, жиноятларнинг олдини олиш ва жиноят содир этган шахсларни ахлоқан тузатиш билан боғлиқ комплекс тадбирларни қамраб олган алоҳида ҳуқуқий-ижтимоий тузилма ҳисобланади.*

Айрим олимлар пробация атамасига нисбатан тор ва кенг ёндашувни таҳлил қилган ҳолда ушбу тизим озодликдан маҳрум қилиш билан боғлиқ бўлмаган жиноий жазоларни ижро этувчи давлат органлари ва муассасаларини, маҳкумларни ахлоқан тузатиш мақсадига эришишни таъминлайдиган ташкилий-ҳуқуқий, ижтимоий ва жамоат тузилмаларини ўз ичига олишини<sup>20</sup> таъкидлайди.

Ушбу тарифларларга яқин бўлган яна бир тушунчага асосан пробация институти бир қатор ижобий жиҳатларга эга, хусусан:

-жазони ўташ учун инсонпарварлик тамойилининг намоиши сифатида муқобиллик;

-маҳкумлиқда ижтимоий масъулиятли хатти-ҳаракатни шакллантириш; -

---

Российской Федерации» 12.00.09 – уголовный процесс Диссертация на соискание ученой степени кандидата юридических наук. «Институт пробации в уголовном процессе: проблемы, Тенденции и перспективы развития (На Примере Стран-Участников Содружества Независимых Государств) Большой юридический словарь//<https://www.internet-law.ru/dic/> (Д.обр:10.02.2018).

<sup>17</sup> [Электронный документ].-URL:<http://www.dissercat.com> “Пробация и ее перспективы в уголовном праве Республики Казахстан” тема диссертации и автореферата по ВАК РФ 12.00.08, кандидат юридических наук 2000 г. Гета, Максим Ростиславович

<sup>18</sup> Тяжкова Кузнецова. Жазо ҳақидаги таълимот. – п. 785. Жиноят ҳуқуқининг кечиши. У.қисм/. –М., –2002

<sup>19</sup> <http://precedentinfo.kg> 2018.12.19. [v-otnoshenii-kakih-prestupnikov-budet-primenyatsya-probatsionnyj-nadzor](http://v-otnoshenii-kakih-prestupnikov-budet-primenyatsya-probatsionnyj-nadzor)

<sup>20</sup> Vogel, Brenda (2009). *The Prison Library Primer: A Program for the Twenty-First Century*. Scarecrow Press. p. 176.; Drucker, Ernest (2011). *A Plague of Prisons: The Epidemiology of Mass Incarceration in America*. The New Press. pp. 115–116.; Балуюв Е.Н. «Пенитенциарная система»: плюрализм подходов к обозначению социально-юридического феномена и средства охраны и защиты законности и правопорядка. // Общество. Среда. Развитие (Terra Humana). – 2010, № 3. – С. 113.

ижтимоий мослашувни рағбатлантириш ва такрорий ҳуқуқбузарликларнинг олдини олиш;

- ҳуқуқбузарни жамият ҳаётига киритишга кўмаклашиш;
- пенитенциар тизимларни сақлаш харажатларини камайтириш<sup>21</sup>.

Узоқ тарихга эа бўлган бу юридик институтнинг ривожланиши давомида у ижтимоий хизматларнинг кенг доирасига асос солди<sup>22</sup>. Шу билан бир қаторда, ХХ аср охирида пробация институти Бирлашган Миллатлар Ташкилотининг этиборини тортиб, жиноятчиликка қарши кураш доирасида бир қатор халқаро-ҳуқуқий ҳужжатларни қабул қилинди<sup>23</sup>.

“Пробация хизмати” атамаси илмий муомалада ва умумий маънода қўллаш учун зарур, чунки у озодликдан маҳрум қилиш билан боғлиқ бўлмаган жиноий жазоларни ижро этиш субъектлари, маҳкумларни ахлоқан тузатишда иштирок этадиган ташкилий-ҳуқуқий, ижтимоий ва жамоат тузилмалари йиғиндисини тўлиқ белгилаш имконини беради.

Жиноят-ижроия тизими кўп тармоқли, кўп функцияли ижтимоий тизим ҳисобланади<sup>24</sup>.

Пробация хизматининг самарадорлиги муаммолари ижтимоий жараёнларни бошқаришда мақбулликни таъминлаш, ҳуқуқни муҳофаза қилиш органларининг жиноятчиликка қарши курашиш борасидаги фаолиятини яхшилаш ва мазкур курашнинг самарадорлигини ошириш вазифалари биринчи ўринга чиқаётган ҳозирги шароитда уларни чуқур тадқиқ этиш зарурияти мавжудлигини кўрсатади. Ҳар қандай фаолият, шу жумладан, пробация фаолиятини ҳам унинг пировард натижаларига кўра баҳолаш давр талабидир.

Ҳозирги кунда пробация хизматининг фаолиятини етарлича самарали дейиш ўринли бўлмайди. Чунки жиноят-ижроия муносабатлари доимий равишда ривожланаётгани боис, тизимнинг ўзгарувчи элементлари эскириши ва ўзгарган янги шароитлар билан мос келмаслиги мумкин. Шу сабабли, амалдаги пробация тузилмалари самарадорлигини ўрганиш, ижтимоий муносабатларнинг ривожланиши

---

<sup>21</sup>Ш.А.Хўжаев, ТДЮУ, “Жиноят ҳуқуқи ва криминология” каф. ўқт., РШ “Ўзбекистон жиноят қонунчилигига пробация институтини жорий этиш истиқболлари”

<sup>22</sup>Дворянсков И.В., Сергеева В.В., Баталин Д.Е. Применение альтернативных видов наказания в Западной Европе, США и России (сравнительно-правовое исследование). – Москва: РОО «Центр содействия реформе уголовного правосудия», Penal Reform International, 2004. – С. 38. Садыков А.У. Перспективы института пробации в современной России // Общество и право. – 2011. – № 3 (350). – С. 215.

<sup>23</sup>Минимальные стандартные правила Организации Объединенных Наций, касающиеся отправления правосудия в отношении несовершеннолетних (Пекинские правила): Приняты резолюцией 40/33 Генеральной Ассамблеи от 29 ноября 1985 года // Сайт «un.org.ru». – [https://www.un.org/ru/documents/decl\\_conv/conventions/beijing\\_rules.shtml](https://www.un.org/ru/documents/decl_conv/conventions/beijing_rules.shtml) (дата обращения: 10.02.2018)

<sup>24</sup> Анисимков В.М. Реформа системы управления органами, исполняющими наказания в виде лишения свободы. – М., 2015. – С. 83–91.

тенденцияларини аниқлаш, пробацция органларини такомиллаштириш мақсадида уларни янада ривожлантириш йўллариини прогноз қилиш борасида изчил тадқиқот олиб бориш зарур.

Давлат, умуман олганда, қўриқлаш функциясини бажаради. Аммо айрим органлар учун бу асосий эмас, балки қўшимча вазифа бўлса, бошқа органлар учун айнан шу функция уларнинг бош мақсадини белгилайди, айна шу функцияни амалга ошириш учун ҳам улар ташкил этилади. Давлат механизмнинг турли бўғинлари ҳуқуқий тартиботни қўриқлаш, таъминлаш, ҳимоя қилишни амалга оширади, бунда мазкур элементлар бирикмаси айна бир орган доирасида ҳар хил бўлади.

Бу тўлалигича пробацция тузилмасига ҳам тегишли: унинг турли элементлари ҳуқуқий тартиботни ҳам қўриқлаш, ҳам таъминлаш, ҳам ҳимоя қилишни у ёки бу даражада амалга оширади, бироқ асосан бу вазифалардан бирини бажаришни мақсад қилади.

Мамлакат иқтисодий ва сиёсий тизимларидаги ўзгаришлар хусусиятини ҳисобга олганда, пробацция органи мақомининг назарий ва амалий жиҳатларини тадқиқ этиш ҳозирги вақтда алоҳида қийинчиликлар туғдиради. Бу ерда ҳуқуқий давлат ғоясини идрок этиш биринчи даражали аҳамият касб этади. Ҳуқуқий давлатда жамият ҳаёт фаолиятининг барча соҳаларида қонун ҳукмронлиги, шахс эркинлиги, инсон ҳуқуқлари ва манфаатларининг дахлсизлиги, давлат ва шахснинг ўзаро жавобгарлиги принциплари, давлат ва жамият ҳаётининг муҳим принципларидан бири – қонунийликнинг мазмунига жиддий қўшимчалар киритилиши талаб қилинади<sup>25</sup>.

Ҳозирги даврда пробацция хизмати мамлакатимизда ислохотларни маърифатли воситалар ёрдамида, қонуний тартиб-таомиллар доирасида, ҳеч кимнинг ҳуқуқлари ва манфаатларини камситмасдан амалга ошириш, аммо шу билан бир вақтда жинойатчиликка қарши курашни кучайтиришнинг кафолатларидан бири бўлиши лозим.

Пробацция хизмати бир қатор белгиларга эга:

– алоҳида ваколатларга эга бўлган, махсус тузилган давлат органи тузилмаси ҳисобланади;

– жиноят, жиноят-ижроия ва бошқа қонун ҳужжатлари билан тартибга солинган пробацция муносабатларининг барча соҳаларида амал қилади;

– қоида тариқасида, жиноят қонунчилиги бузилиши туфайли амалга оширилади;

– ўз вазифаларини давлат ҳокимияти органлари, маҳаллий ўзини-ўзи бошқарув органлари, жамоат бирлашмаларидан мустақил амалга оширади.

Аксарият ҳолларда пробацция органлари таркибий жиҳатдан ижро ҳокимияти органларига киради. Ўзбекистон Республикасида жинойий жазони ижро этадиган органлар ва муассасалар асосан Ички ишлар вазирлиги ҳамда прокуратурада жамланган бўлиб, ушбу органларга Мудофаа вазирлигининг интизомий ҳарбий

<sup>25</sup> Талянин В.В. Режим правозаконности (теоретико-правовой аспект). Дисс. ...канд. юрид. наук. – СПб., 1999. – С. 125.



қисмлари ҳам киради. Ички ишлар вазирлиги ва Мудофаа вазирлиги ижро этувчи ҳоқимият органлари ҳисобланади.

Ҳар қандай ижтимоий жараённинг самарадорлиги, энг аввало, уни ташкил этувчи ҳуқуқий муносабатлар субъектлари тизими қай даражада оқилона ташкил этилгани ва уларнинг ўз вазифаларини қай даражада бажаришлари билан белгиланади. Жиноий жазони ижро этиш тизими ўзаро алоқадор субъектлар озодликдан маҳрум қилиш тариқасидаги жиноий жазоларни ижро этадиган муассасалар ва органларнинг ягона бошқарув комплекси<sup>26</sup>.

Шунга ўхшаш фикрни А.А.Игнатъев<sup>27</sup> ва Н.И.Петренко<sup>28</sup> ҳам билдирганлар.

ЖИК 3-бобининг мазмунидан Ўзбекистон Республикасининг жиноий жазони ижро этиш тизими жазо ва бошқа жиноят-ҳуқуқий таъсир чораларини ижро этувчи муассасалар ва органлардан иборат, деган хулоса келиб чиқади.

ЖИК 14-моддасига мувофиқ, Ўзбекистон Республикасининг жазоларни ижро этувчи муассасалари ва органларига қуйидагилар киради:

– жарима Ўзбекистон Республикаси Бош прокуратураси ҳузуридаги Мажбурий ижро бюроси томонидан ижро этилади;

– муайян ҳуқуқдан маҳрум қилиш, ахлоқ тузатиш ишлари, мажбурий жамоат ишлари, озодликни чеклаш, озодликдан маҳрум қилиш ва умрбод озодликдан маҳрум қилиш жазолари Ички ишлар вазирлиги Пробация хизмати томонидан ижро этилади. Муайян ҳуқуқдан маҳрум қилиш жазоси маҳкумнинг иш жойидаги маъмурият томонидан, шунингдек тегишли фаолият турлари билан шуғулланиш ваколати берилган рухсатномани бекор қилишга ваколатли органлар томонидан ижро этилади;

ҳарбий хизматчиларга нисбатан:

– хизмат бўйича чеклаш тариқасидаги жазо – ҳарбий хизматчи хизматни ўтаётган жойдаги ҳарбий қисмларнинг (муассасаларнинг) қўмондонлиги томонидан;

– интизомий қисмга жўнатиш тариқасидаги жазо – махсус ташкил этилган ҳарбий қисмлар томонидан ижро этилади;

– ҳарбий ёки махсус унвондан маҳрум қилиш тариқасидаги қўшимча жазо мазкур унвонни берган орган томонидан ижро этилади.

ЖИК 15-моддасида Ўзбекистон Республикасининг бошқа жиноят-ҳуқуқий таъсир чораларини ижро этувчи муассасалари ва органлар кўрсатилган.

Жиноят-ижроия кодексининг IV-бўлимида “Озодликдан маҳрум қилиш тариқасидаги жазони ижро этиш тартиблари” алоҳида белгиланган, яъни жазони ижро этиш муассасаларининг тартиби ва турлари аниқ кўрсатилган, аммо

<sup>26</sup> Угольникова Н.В. Уголовно-исполнительное право Российской Федерации: Курс лекций. – М., 2002. – С. 44.

<sup>27</sup> Игнатъев А.А. Уголовно-исполнительное право: Учебник. – М., 2007. – С. 148.

<sup>28</sup> Петренко Н.И. Становление и развитие управления уголовно-исполнительной системой России. Автореф. дисс. ...докт. юрид. наук. – Рязань, 2002. – С. 24.

“озодликдан маҳрум қилиш билан боғлиқ бўлмаган” жазо чораси шахсларга нисбатан қўлланилишдаги ҳуқуқий аҳамияти ҳамда жазони ижро этиш фаолиятини таъминловчи давлат органинг қонуний мақоми, ваколатлари, назорат қилиш тартиби, ахлоқан тузатиш воситалари ва уларни қўллаш механизмларини тартибга солувчи ва таъминловчи давлат органини алоҳида норматив қонун асосида тўлиқ қамраб олувчи тизим шаклланмаган.

Юқоридаги таҳлиллардан келиб чиқиб айтиш мумкинки, *“Пробация – бу озодликдан маҳрум қилиш билан боғлиқ бўлмаган жиноий жазолар ва бошқа жиноят-ҳуқуқий таъсир чораларини ижро этувчи давлат органлари ва муассасаларини ҳамда уларнинг маҳкумларни ахлоқан тузалиши ва қайта ижтимоийлашуви мақсадига эришишга қаратилган тарбиявий-ахлоқий, педагогик-психологик, сиёсий-ҳуқуқий, ижтимоий-иқтисодий ва бошқа фаолият йўналишларини ўз ичига қамраб олган тузилма”*дир.

### Фойдаланилган адабиёт:

1. The Philosophy and History of Prisons. Philosophers of Punishment and Penology. // 29043\_CH01\_1\_21.qxd 9/28/05 8:51 AM Page 6.
2. Samuel H. Pillsbury. Understanding Penal Reform: The Dynamic of Change. Journal of Criminal Law and Criminology. Volume 80 Issue 3 Fall Article 3 – P. 729;
3. Шамансуров А.А. Теоретические и прикладные проблемы модернизации пенитенциарной системы. – Ташкент: Fan va texnologiya, 2015. – 216 с.;
4. Борзенко Ю.А. Пенитенциарное правосознание в российском обществе: современное состояние и проблемы развития. Дисс... канд. юрид. наук. – Владимир, 2008. – 176 с.;
5. Оганесян С.М. Пенитенциарная система государства: Историко-теоретический и правовой анализ. Дис. ... докт. юрид. наук. – СПб., 2005. – 315 с.
6. Маҳкумлар ҳуқуқлари: халқаро ва миллий стандартлар. / Ф.Бакаева ва бошқ. – Тошкент: Тафаккур, 2011. – Б. 98.
7. Европейские пенитенциарные правила Комитета министров ООН. – М., 2016. – 136 с.
8. А.Х.Саидов “Жаҳон мамлакатларининг ҳуқуқий тизимлари” қомусий луғат. Тошкент-2006. №96-2006. Б-39.
9. <http://mosmediator.narod.ru/index/0-2217> Ушбу веб-сайтда В.Б.Малинин, ЛБ Смирнов, "Жиноят-ижроия ҳуқуқи: юридик мактаблар ва факултетлар учун дарслик" "Москва университети хабарчиси", 2003 й
10. Электрон манба. Кириш йўли: <https://www.Lex.uz>
11. <https://president.uz/uz/lists/view/3913>
12. ю.ф.д., доцент И.В.Дворянсков, Россия ФСИН илмий-тадқиқот институти, Москва. Библиографик ёзувлар Габараев А. Ш., Новиков А. В. Россия

Федератсиясининг замонавий пенитентсиар сиёсатида пробацция институтини амалга ошириш истиқболлари // фан ва таълимнинг замонавий муаммолари. – 2015. – № 2-2.

13. Жаронкина Ирина — национальный эксперт Проекта ЕС «Поддержка реформ в сфере юстиции на Украине», г. Киев

14. А.К.Исергеева ФГ казенное образовательное учреждение высшего образования «Санкт-Петербургский университет Министерства внутренних дел Российской Федерации» 12.00.09 – уголовный процесс Диссертация на соискание ученой степени кандидата юридических наук. «Институт пробацции в уголовном процессе: проблемы, Тенденции и перспективы развития (На Примере Стран-Участников Содружества Независимых Государств) Большой юридический словарь//<https://www.internet-law.ru/dic/> (Д.обр:10.02.2018).

15. [Электронный документ].-URL:<http://www.dissercat.com> “Пробацция и ее перспективы в уголовном праве Республики Казахстан” тема диссертации и автореферата по ВАК РФ 12.00.08, кандидат юридических наук 2000 г. Гета, Максим Ростиславович

16. Тяжкова Кузнецова. Жазо ҳақидаги таълимот. - п. 785. Жиноят ҳуқуқининг кечиши. У.қисм/.-М.,-2002

17. <http://precedentinfo.kg> 2018.12.19. [v-otnoshenii-kakih-prestupnikov-budet-primenyatsya-probatsionnyj-nadzor](http://v-otnoshenii-kakih-prestupnikov-budet-primenyatsya-probatsionnyj-nadzor)

18. Vogel, Brenda (2009). [The Prison Library Primer: A Program for the Twenty-First Century](#). Scarecrow Press. p. 176.;

19. Drucker, Ernest (2011). [A Plague of Prisons: The Epidemiology of Mass Incarceration in America](#). The New Press. pp. 115–116.;

25.Балуев Е.Н. «Пенитенциарная система»: плюрализм подходов к обозначению социально-юридического феномена и средства охраны и защиты законности и правопорядка. // Общество. Среда. Развитие (Terra Humana). – 2010, № 3. – С. 113.

21. Ш.А.Хўжаев, ТДЮУ, “Жиноят ҳуқуқи ва криминология” каф. ўқт., РШ “Ўзбекистон жиноят қонунчилигида пробацция институтини жорий этиш истиқболлари”

22. Дворянсков И.В., Сергеева В.В., Баталин Д.Е. Применение альтернативных видов наказания в Западной Европе, США и России (сравнительно-правовое исследование). – Москва: РОО «Центр содействия реформе уголовного правосудия», Penal Reform International, 2004. – С. 38.

23. Садыков А.У. Перспективы института пробацции в современной России // Общество и право. – 2011. – № 3 (350). – С. 215.

24. Минимальные стандартные правила Организации Объединенных Наций, касающиеся отправления правосудия в отношении несовершеннолетних (Пекинские правила): Приняты резолюцией 40/33 Генеральной Ассамблеи от 29 ноября 1985 года // Сайт «un.org.ru».–

[https://www.un.org/ru/documents/decl\\_conv/conventions/beijing\\_rules.shtml](https://www.un.org/ru/documents/decl_conv/conventions/beijing_rules.shtml) (дата обращения: 10.02.2018)

25. Анисимков В.М. Реформа системы управления органами, исполняющими наказания в виде лишения свободы. – М., 2015. – С. 83-91.

26. Талянин В.В. Режим правозаконности (теоретико-правовой аспект). Дисс. ...канд. юрид. наук. – СПб., 1999. – С. 125.

27. Угольников Н.В. Уголовно-исполнительное право Российской Федерации: Курс лекций. – М., 2002. – С. 44.

28. Игнатьев А.А. Уголовно-исполнительное право: Учебник. – М., 2007. – С. 148.

29. Петренко Н.И. Становление и развитие управления уголовно-исполнительной системой России. Автореф. дисс. ...докт. юрид. наук. – Рязань, 2002. – С. 24.